

Teška krađa, pronalazak droge, oružja i municije

Dana 07.01.2019.godine, policijski službenici V PU su u podzemnoj garaži, ulica Vitomira Lukića, općina Ilidža, pronašli motorno vozilo marke "Ford fusion", sa istaknutim nepripadajućim registarskim tablicama. Izvršenim provjerama, utvrđeno je da je pomenuto vozilo otuđeno sa područja Novo Sarajevo i za istim je raspisana potraga. Radeći na rasvjetljavanju navedenog krivičnog djela, policijski službenici su došli do saznanja o licima koja se mogu dovesti u vezu izvršenjem istog. Izvršenim pretresom stana koji koristi N.R, a koji je iznajmila A.K. u ulici Vitomira Lukića, općina Ilidža, pronađena je i oduzeta određena količina materije koja asocira na opojnu drogu, određena suma novca, dva pištolja, dva okvira, 34 metka različitog kalibra, dvije kape tzv. "fantomke", i dvije registarske tablice nacionalnih oznaka R Hrvatske. O prednjem je obaviješten tužilac Kantonalnog tužilaštva Kantona Sarajevo, koji je naložio da se sva lica zatečena u navedenom stanu liše slobode. Pomenutog dana u 18,00 sati slobode su lišeni: N.R, rođen 1990.godine u Sarajevu, gdje je i nastanjen, zbog postojanja osnova sumnje da je počinio krivična djela iz člana 287. i člana 239. KZ F BiH (Teška krađa i Posjedovanje i omogućavanje uživanja opojnih droga), A.K., rođena 1993.godine u Konjicu, privremeno boravi u Sarajevu, zbog postojanja osnova sumnje da je počinila krivična djela iz člana 371. KZ F BiH (Nedozvoljeno držanje oružja ili eksplozivnih materija) i člana 74. ZONDINOiM-a i E.R., rođen 1979.godine u Sarajevu, gdje je i nastanjen, zbog postojanja osnova sumnje da je počinio krivična djela iz člana 287. i člana 239. KZ F BiH (Teška krađa i Posjedovanje i omogućavanje uživanja opojnih droga). Lica lišena slobode su predata u Jedinicu za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju kriminalističku obradu nad navedenim licima.

08.01.2019

© Ministarstvo unutrašnjih poslova KS 2011., 2015. Sva prava pridržana. Izrada. Zavod za informatiku i statistiku KS
(<https://zis.ks.gov.ba>)

Početna (<http://mup.ks.gov.ba/pocetna>) | **RSS izdvojeno** (</rss/izdvojeno>) | **RSS konkursi** (</rss/konkursi>) | **RSS javni pozivi** (</rss/pozivi>) | **Struktura stranice** (<http://mup.ks.gov.ba/sitemap>) | **Kontakti** (<http://mup.ks.gov.ba/gradjanstvo/kontakti>) | **E-pošta** (<http://mmail.ks.gov.ba>)

